


LXXV

6 Juni 1963

3
CENT

OBSERVADOR

Semanario Informativo  Metamente Arubiano



**Papa Juan 23
e bon Pastor
a fallecé**

E campanja di "Salesman" tabatin asina tanto exito cu el a worde
prolonga un luna mas.

GANA PLACA... GANA HOPI PLACA!



Bo amigo, famia of bicina tin mester di un auto nobo of
segunda mano?

ata **Gran Oportunidad** *aki*

Ser salesman di "VIANA" treciendo bo cliente pa nos
y ricibi e siguiente comisionnan:

Pa auto segunda mano te na	fl. 1.500.—	f. 50.—
Pa auto segunda mano mas cu	1.500.—	100.—
Pa autonan nobo "Europeo"		100.—
Pa autonan nobo "Americano"		150.—

E extra bonus di Fls. 100.— pa e persona cu bende 4 auto, a
bira DOBBEL e luna aki, esta Fls. 200.—

E oferta aki ta valido te fin di Juni 1963.

Mucha y bende grandi; homber y muher tur por ta salesman di
"Viana" y gana

PLACA... PLACA Y MAS PLACA...

pa mas informacion yama of acudi na

Viana Auto Supply Co., Inc.

Tel.: 5120 - 5121

"OBSERVAADOR"

Edici y publica door di:
Publicidad "EXITO" Aruba A.H.
Wilhelminastraat 31, Oranjestad
Tel. 2020 — 2121 — 3131

HEFE REDACTOR

Adnan Arends L.

REDACTOR

D. E. Lacle

SECR-REDACCION

A. C. Arends

COLABORADOR

P. van Lankveld

H. C. Visser

L. A. C. Lacle

FOTOGRAFOS

O. C. Antemij

E. Odo

CORRESPONSAL NA

BOINAIRE

R. E. Jungs

COLOMBIA

A. M. Gonzalez

COSTA RICA:

Clemente Lacle

CURACAO:

A. v.d. Dips Jr.

U. S. A.:

S. Q. Odeber Jr.

GUATEMALA:

J. F. Arends

HULANDA:

Harold Arends

REP. DOMINICANA

Rafael R. Jorge

VENEZUELA:

Josy M. Massar

SERVICIO DI-PRENSA

Editors Press

Central Press

SUBSCRIPTION:

Trimestre " 5.—

Annual " 19.—

Imprimi y ilustra door di:

GENERAL PRINTING CO.

Zuidstraat 15, Tel. 1058

EDITORIAL

E siman aki a yega e noticia, cu nos tabata spera durante e ultimo siman, esta, un contesta riba e carta cu directiva di Amateur Baseball Bond Aruba a manda pa dr. Zecca, president di e Federacion Internacional di Baseball Amateur, en conexion cu e decision, tumá na Sao Paulo door di algun directivo di F.I.B.A., pa suspende Aruba (A.B.B.A.) temporalmente como miembro di e entidad mundial.

E carta di dr. Zecca ta bisa cu e decision di Sao Paulo no ta valido y cu por lo tanto Aruba ta keda miembro di F.I.B.A. mesos cu den pasado y representando Antillas Hulandes den e organizacion mundial aki.

Manera ta conoci e decision na Sao Paulo a wordé tumá door di e vice-president y e secretario di F.I.B.A. E president di F.I.B.A. no tabata presente na Sao Paulo, pero si tabata presente sres. Mordy Maduro, Juan Isa y Ricardo Elhage di Corsoua y conociendo e personanan aki e curso di e acontecimentonan na Sao Paulo ta facil pa odivina. Nos ta apunta acerca cu Ricardo Elhage ta un di e mediadornan, cu a wordé nombra door di ministro Petronia, pa solucionar e conflicto deportivo entre Aruba y Corsoua y cu Ricardo Elhage a laga su encargo na Antillas para pa bai Sao Paulo demostrando, segun nos opinion, falta di responsabilidad y tambe falta di interes pa biní un solucion berdaderamente. Esey tin como consecuencia cu di parti di Aruba e confianza den Ricardo Elhage a bira minimo y cu si biní un solucion, esey lo no ta a consecuencia di e esfuerzonan di Ricardo Elhage.

E carta di A.B.B.A. pa dr. Zecca, a duna un aplicacion completo di e situacion y dr. Zecca, hende semper tabata un persona di sumo integridad y cu hopi interes pa deporte, a duna razon na A.B.B.A., locual ta indica cu e directivonan cu a tumá e decision na Sao Paulo, no tabatin razon y desde cu un decision no ta wordé tumá sin motibo, e motibo pa e decision na Sao Paulo na por ta nada otro cu e presencia di sres. Maduro, Isa y Elhage na Sao Paulo y mas aleue ainda, e motibo lo ta cualquier version cu nan lo a duna di e situacion deportivo riba Antillas, dandando Aruba culpa cu e situacion no a wordé solucioná cinda. Di parti di Corsoua e sistema aki a wordé aplicá varios biaha, pero nunca el a duna e resultado cu nan a spera.

Mientrastanto e mediadornan ta continuan cu nan trabau. Nos ta desea nan exito.





Riba e promé grafica e dijunto Papa Juan 23 ta dunando su bendición na October 1962 y e otro grafica ta un di e ultimo portretinan di Papa

PAPA JUAN 23: E BON PASTOR

Dialuna merdia a fallece Papa Juan 23, riba di dos dia di Pentecostes, un dia, dedica na Espíritu Santa, pa cual e Papa aki semper tabatin un devoción grandi.

No mucha tempo pasá, el a manda un carta pa tur e obisponan den mando, examina e ta splica pakiko tur anja semper e tabata prepara su mes, especialmente siendo obispo, pa e Fiesta di Pentecostes.

Dia 28 di october di anja 1958 cardenal Angelo Giuseppe Roncalli a wordé elegi como Papa.

Su Pontificado di casi cinco anja ta wordé caracterizá door di un preocupacion pastoral. Esaki a resulta esba fur di e dia, riba cual el a wordé coroná como Papa. Riba e dia ey el a

pronuncia un discurso y den e discurso ey el a bisa cu na e administración di cada Papa por wordé duné esplendor entre otro door di tabiduria, facultad organisatorio y tino diplomatico. Pero tur e cosnan aki no por reemplaza su tarea primordial, esá, ser un pastor pa e almanan.

E preocupacion pastoral aki a resulta for di su brehonan. E no a keda sinta tras di su escritorio. E no a sera su mes tras di e mureynan di Vaticano. El a hisbita hospitalnan, prisonnan, el a bisbita un amigonan den nan ambiente familiar; diferente bisbita hende por a miré den e barriernan mas pover di Roma. E tabata entre e bendenan di tur gremio, tambe entre esnanan mas pover.

Su preocupacion pastoral ta sobresali den su encíclicanan. Esakinan no ta disertacionnan di un sabio, pero cartanan pastoral den e berdadero sentido di e pa-

labra. Nos ta menciona aki solamente su encíclicanan famoso "Mater et Magistra", tocante e justicia social, y "Pacem in Terris", tocante e paz mundial y e cooperacion entre e bendenan di tur nacion, raza y religion.

Su preocupacion pastoral a destaca especialmente den su iniciativa grandioso pa organiza un Concilio Ecueménico General. Continuamente el a exhorta e obisponan cu e Concilio aki no mester tin un caracter científico, pero un caracter pastoral.

Nos mester gradici Dios, cu nos tabatin un Papa asina, un Papa, cu a habri e portanan di Iglesia completamente, cu a percura pa un mehor entendimiento entre e bendenan di diferente religionnan, cu a duna nos mas roca den nos entendimiento personal pa cu Dios y cu a trata tanto cu tabata posibel pa adapta e bida eclesiástico na e tempo moderno.

P'esey nos mester reza pa e descanso di e alma di Papa, pasobra e Papa ta un bende.

Tambe nos mester cuminsa reza for di amor caba na Spiritu Santo en concecion cu e eleccion di un Papa nobo. Laga nos spera cu Dios lo procura pa den futuro Su Iglesia lo worde guiá door di un Papa, cu tin un compendimiento di e necesidadnan di e tempo moderno y cu lo por duna un contesta riba e necesidadnan ey.

Papa Juan 23, cu su preocupacion paternal a encende un yama nobo pa benter mundo. E tabata un ayuda pa e poberman door di su hecbonan, un consuelo pa e enfermanan, un aliento pa esnan, cu ta worde perseguí y diariamente tabata pa nos tur un ejemplo di e manera, con mester sirbi Dios.

CURRICULUM VITAE PAPA JUAN 23

Papa Juan 23, kende a fallece dialuna merdia ultimo, a nace den e pueblo italiano Soto al Monte, perteneciente na e episcopato Bergamo, dia 25 di november di aña 1881, como jiu di un famia campesino.

Na edad di 11 aña el a ingresa den seminario, ocho aña despues el a inicia su estudionan teologico y dia 10 di augustus el a worde ordená como pader.

Apensu un aña despues el a



Esaki ta un estatua di difunto Papa Juan 23, algo mayor cu e tamaño natural, di e escultor Carlo Pini, cual riba encargo di un persona no identificá, tabata un obsequio pa e difunto.

worde designá secretario particular di Mgr. Tedeschi di Bergamo, cual puesto el a keda ocupa durante nahe aña, esta, te cu Primera Gera Mundial a cuminsa.

Durante e Catastro Mundial el a presta servicio militar como sargento den e tropanan di Cruz Roja. Inmediatamente despues di Gera el a inicia e prome Cas Estudiantil na Bergamo y su actividadnan a worde remarká asina hopi door di e Papa di e tempo ey, Benedicto 15, cu Su Santidad a haci un yamada na dje pa organiza e cooperacion den e misionerona y pa reorganiza e constelacion di e Propaganda Fide. Realizando e labor aki el a hisita hopi pais y el a demostra tanto tino diplomático, cu na aña 1925 Papa Pio 11 a nombré obispo di Areopolis, estacioná na Sofia, capital di Bulgaria.

Diez aña despues el a worde nombrá delegado apostolico na Istanbul, capital di Turquia, y a la vez tabata encargá cu e interesnan di Iglesia Catolico na Grecia.

Su proximo nombramiento a tuma lugar na aña 1944, ora Su Santidad a designé como Nuncio na Paris. Durante e tempo cu e tabata Nuncio, el a actua tambe como Decano di e Cuerpo Diplomático na Paris.

Dia cu Unesco, un suborganizacion di Naciones Unidas, a establece su mes na Paris y cu Iglesia Catolico a dicidi pa asumi un posicion positivo pa cu e organizacion aki, Mgr. Angelo Giuseppe Roncalli a bira e representante permanente di e Santa Sede cerca Unesco na Paris.



E prome grafica ta di e difunto Papa Juan 23, sagi door di e cinco cardenalnan, kendenan ta worde considera como e posible sucesornan di Juan 23: Juan Battista Cardinal Montini, 65 aña (e preferido di e difunto); Gregorio Pedro Cardinal Agagianian, 67 aña; Juan Cardinal Urbani, 63 aña; Jacobo Cardinal Lercaro, 71 aña y Ernesto Cardinal Ruffini di 75 aña.

Día 12 di Januari di aña 1953 El a worde honrá cu e nombra-
miento como cardenal y e som-
bré corá, símbolo di su dignidad
nobo, a worde investí cerca dje
door di e president di Francia,
Vincent Auriol.

Luego el a lbra Patriarca di
Venecia, y, manera nos tur ta
corda ainda, despues cu Pio 12
a fallece na aña 1958, dia 28 di
october di e aña ey el a worde
elegi como e Papa nobo y dia 4
di november el a worde coroná
durante un ceremonia solem den
e Basílica di San Pedro.

Puntuonan culminante durante
su Pontificado, cual a dura algo
mas cu cuater aña y mei, tabata
e dos encíclicanan "Mater et
Magistra" y "Pacem in Terris"
y naturalmente e organizacion di
e Concilio Ecuemenico.

Papa Juan 23 a fallece, des-
pues di un agonia di casi cien
ora, dia 3 di juni pa cuarto pasá
di dos di merdia.

CURSO DI E ENFERMEDAD DI PAPA JUAN 23

Den e siguiente espacio nos ta
publica e curso di e enfermedad
di difunto Papa Juan 23 desde
fin di aña 1962, ora cu e enfer-
medad aki a cuminsa manifesta
su mes den forma evidente.

27 november 1962

Papa Juan 23 ta cancela su
audiencia, como cu e no ta
sinti bon. No ta worde duná nin-
gun declaracion oficial, pero ta
worde bisá cu Su Santidad tin
verkoud.

29 november 1962

Vaticano ta declara oficialmen-
te cu Papa Juan 23 ta sufrí di
tracterenan gástrico, cualnan a
causa un anemia basta fuerte.

30 november 1962

Vaticano ta declara cu e dok-
ternan sabí exactamente di kiko
Su Santidad ta padecé, cu nan a
cuminsa cu e tratamiento indicá
y cu e estado di salud di Papa ta
mehorando.

2 december 1962

Papa Juan 23 ta aparece den
ventana di su estudio pa duna su
bendición na 30 mil fiel.

5 december 1962

No obstante hopi advertencia
pa no hacié, toch Papa Juan 23
ta aparece na e ventana di su es-
tudio pa duna su bendición na
fielnan y peregrinonan. E ta son-
riente y e ta mustra hopi mehor.

7 december 1962

Papa Juan 23 ta duna acto di
presencia den e ultimo reunion
di trabau di e Concilio Ecueme-
nico y su dia despues e ta asisti na
e acto di clausura; pronunciando
un discurso di 25 minut.

11 december 1962

Un portavoz di Vaticano ta
desmentí categoricamente e no-
ticia, cu a aparece den un diario
aleman, segun cual e situacion
di Papa 23 ta grave y cu e tin
solamente algun luna di bida
ainda.

15 december 1962

Vaticano ta nega di duna co-
mentario riba e noticia den un
revista americano, segun cual
Papa Juan 23 ta muriendo di
cancer.

16 december 1962

Papa Juan 23 ta duna su prime
audiencia privá desde cu el
a lbra malo. E ta ricibi e Rey di
Burundi.

2 februari 1963

Papa Juan 23 ta sidi contem-
pla e prime encuew cu a cal na
Roma despues di hopi temp y
ta haya un verkoud.

7 april 1963

Papa Juan 23 ta cumpli cu e
prime actividadnan di Semana
Santa, bisitando entre otro di-
ferente misa na Roma.

21 april 1963

Papa Juan 23 ta bisa algun
mucha cu pronto e por muri.

10 mei 1963

E ta asisti na e ceremonia di
e entrega di e Premio Balzan y
ta haci un bisita oficial na e pre-
sident di Italia, Antonio Segni.

21 mei 1963

Vaticano ta informa cu Papa
a cancela tur audiencia privá pa
dedica su mes na un retiro espi-
ritual durante nueve dia.

22 mei 1963

Un sugerencia di su dokter
personal ta pone Papa Juan 23
cancela un audiencia general
den San Pedro y e ta aparece ú-
nicamente algun instante den su
ventana.

23 mei 1963

Vaticano ta informa cu Papa
ta sinti mucho mehor, despues
di a ricibi diferente transfusion
di sanger. Pero dos dokter, cu ta
asisti Papa dia y asocia a infor-
ma cu nan tabatin dificultad pa
detene e hemorragia interno a
causa di e lesion den su stoma.

24 mei 1963

Vaticano ta declara oficialmen-
te cu e estado di salud di Papa
ta mehorando, pero den circulo
nan no-oficial di Vaticano ta
worde bisá lo contrario.

25 mei 1963

No obstante cu e dokternan a
duná e orden pa tene cama, Papa
Juan 23 ta forza su mes y ta si-
gui traha pa no hini un stagna-
cion den e preparacionnan di e
proximo sesion di e Concilio E-
cuemenico.

26 di mei 1963

E dokternan ta obliga Papa pa
cancela e acto di bendición pú-
blico y pa tene cama incondicio-
nalmente y evita tur esfuerzo fi-
sico.

Esaki tabata e principio di e
fin, pasobra algun dia despues e
agonia a cuminsa.

ISRAEL TIN PRESIDENT NOBO

E diaman aki a worde elegi como president di Israel, Schneor Zalman Shazar, di 73 aña di edad. E eleccion a worde efectua door di e Knesseth, e parlamentu di Israel na e ciudad di Tel Aviv.

Shazar a hira e di tres president di Israel. E prome tabata Weissman y Itzak Ben Svi, kende a fallece algun siman pasa.

E president nobo ta originalmente precedente di Rusia di tempu di e Zarnan y lo tin un tarea hopi dificil, especialmente como sucesor di dos homber grandi manera Weissmann y Ben Svi.

Despues di su morto a worde dedica relativamente poco atencion na Ben Svi y nos kier a haci uso di e espacio aki pa duna un mehor idea na nos lectornan di e difunto Ben Svi.

Ben Svi tin un caracteristico grandi, esta, e tabata pa Israel durante diez anja hopi mas cu un president, cual puestu, hon mirá, no tin mucho valor politico den e joven estado.

Durante mas cu cincuenta anja el a esfuerza su mes enormemente pa e realizacion di e idealnan zionista, e tabata un di e prome pioneronan cu a pone pia riba e desierto cu lo hira Israel, e tabata un lider di obrero y no obstante su posicon halto, semper el a keda un homber masha humilde, y esaki su subditonan a aprecia masha hopi.

Nos por ilustra esaki cu e siguiente ejemplo. Mientras cu



Ben Svi tabata bishitando algun pais africano, e parlamento a decide pa hiza su salario anual considerablemente. Asina Ben Svi a bini back, el a canahia e decision aki y a trece su salario anual riba e escala bienw.

El a nace dia 6 di december di anja 1884 den Ucraina, na Rusia y meseco cu su tata, e tabata un partidario di e movimiento pa tur e judiunan regresa Palestina. El a recore su estudiantan secundario exitosamente, pero como estudiante na e Universidad di Kiev, e mester a para cu estudionan debi na su actividadnan zionista y politico.

Na anja 1904 el a bishita Israel, y despues di a bini back, el a proyecta hunta cu Ben Borochov e programa ideologico di e ohrerismo zionista.

Durante un persecucion di Judai na Rusia henter su famia

a worde deporta pa Siberia, pero e mes a logra scapa y via Suiza el a yega Palestina, cual territorio e tempu ey tabata worde goberná door di e Turconan.

El a hira un di e fundadornan di e movimiento Hashomer, cu e obhetu di defende e territorio contra e ataqenan arabe. For di e Hashomer a resulta e Hagana, un movimiento similar pero mehor organizá y for di esey a hini despues definitivamente e Forzanan Armá di Israel, cualnan a opera cu tanto éxito contra Egipto na anja 1956.

Di anja 1912 te anja 1914, Ben Svi a studia na e Universidad Otomano di Istanbul, capital di Turquia, caminda tambe Ben Gurion y Moshe Sharef tabata studia e tempu ey.

Huntu cu Ben Gurion el a sigui hinga pa logra un estado independiente Israel, y na anja 1948 e tabata un di e personanan cu a firma e Proclamacion di e Independencia, y a hira miembro di e Knesseth, e parlamento di Israel. Y na anja 1952 el a worde eligi president como sucesor di e prominente dr. Chaim Weizmann.

Na anja 1919 Ben Svi a contrae matrimonio cu Rachel Yanait, for di cual matrimonio a nace cuater jiu, dos homber y dos muher.

Na anja 1958, Ben Svi a bishita Europa Occidental y na anja 1962 el a bishita algun pais africano, na unda Israel ta ganando masha simpatia.



Noticianan local

Y.M.C.A. TA BUSCA SUSCRIPCION PA "READERS DIGEST"

Durante e siman entre dia 9 y dia 16 di juni proximo, Y.M.C.A. lo recore tur e aresman habilita di Aruba, di Seroe Colorado te Noord, den un campanja pa haya mas suscripcion posibel di e revista Readers Digest.

Intencion di e campanja aki no ta solamente pa obtene fondos pa nan hopi proyectonan meritorio, pero mas importante ta cu mediante esaki Y.M.C.A. kler anisá heater e comunidad arubiano pa lesa mas.

Esaki ta un esfuerzo sumamente comendable y pa medio di esaki nos ta recomenda e publico di Aruba pa yuda e jovenes, cu lo efectua e campanja turnando un suscripcion di e interesante revista Readers Digest.

E personanan, cu no worde acerca durante e siman ey, por a-cudi cerca Y.M.C.A.

C.C.A. TA PRESENTA "O.K., AKI NA ANTILLAS"

Diabera anochi pa cuerto pasá di octo, Centro Cultural di Aruba lo presenta den Centro Cultural na Oranjestad e pelicula na color di Peter Creutzberg "O.K., Aki Antillas", rual Sticusa a laga filmá y lo sirbi pa duna e bendenan di Hulanda un mehor idea tocante Antillas Hulandes.



BRITISH AMERICAN PA MEXICO

Siman pasá a sali pa Mexico 9 agente di seguro, 3 staff-manager y e Manager di British American Insurance Co. na Aruba. Nan a haci e viaje aki pa asisti na e convencion anual di e compania mencioná, cual ta worde teni na Mexico City e anja aki.

E viaje di e grupo arubano lo bai via Jamaica, casinda nan tin intencion di pernanee easter dia pa bishita entre otro e oficianan den e diferente districtonan y e "Home-office" di British-American.

E grupo lo regresa pa Aruba dia 10 di juni proximo.



ELECCION A TRECE CAMBIO COMPLETO NA CORSOUW

Pueblo di Corsouw den forma evidente a demostra siman pasá cu nan preferencia politica ta bai pa e Partido Nacional di dr. Da Costa Gomez.

Den e eleccionnan insular di diavernes siman pasá, N.V.P. a obtene 12 asiento, siendo cu D.P. a obtene 9 y cu esaki N.V.P. a logra un mayoria absoluto den Eilandraad di Corsouw.

E victoria di N.V.P. tabata visto di antemano, pasobra e ultimo easter anjanan, durante cual e gobierno insular di Corsouw, tabata den man di D.P., no tabata e anjanan mas favorable den ningun sentido.

E situacion economico, e ambiente politico, e constelacion interno, tur a experimenta un periodo di retraso den e ultimo easter anjanan.

Heater e sistema di goberna di D.P. tabata debil, hopi debil y e debilidad aki tabata worde acentuá de vez en cuando door

We wish to express our sincere appreciation
for the many good wishes received
on the occasion of the inauguration
of our Ammonia Plant.

Antilles Chemical Company

ACC

di fracasonan grandi, manera e fracaso di Werkverschaffing y e "dede sushi" na ultimo ora.

Contando acerca e tendencia den direccion di arbitrariedad cu tabata existi cerca e gobierno di D.P., nos por imagina nos plenamente cu na Corsouw ta existi actualmente un ambiente di descontento y talvez hasta di rencor.

Tabata falta un linea fiho den e gobierno di D.P.

Un punto positivo indudablemente ta e Tienjarenplan di Corsouw, pero contrario na Aruba, te ainda e Tienjarenplan aki no a duna ningun resultado visto y concreto pa Corsouw. No obstante su positividad, toch basta e Tienjarenplan tin diferente punto debil y si nos compará e T.J.P. di Corsouw cu e T.J.P. di Aruba, ante indudablemente e balanza ta eni na favor di Aruba y ta bini acerca cu na Aruba si a worde realiza diferente projecto importantísimo eha den ramo di e

Tienjarenplan.

Awer N.V.P. lo tuma e gobierno di Corsouw den nan man, y nos ta bisa N.V.P., pasobra nos ta duda masha hopi cu lo bini un acercamiento entre N.V.P. y D.P. den futuro cercano.

Nos ta calcula cu e sistema gubernamental insular di Corsouw lo cambia hopi y nos ta supone cu hasta e gobierno di N.V.P. lo efectua cambianan den e Tienjarenplan, cu a worde projectá door di e Bestuurscollege D.P. durante e ultimo custer anjanan. Esey, sinembargo, lo tin como consecuencia cu e financiamiento tambe lo worde dilata.

Nos no sabi si N.V.P. tabatin algo prepará pa den caso cu nan gana e eleccion, pasobra generalmente nan no tabata posee ningun alternativa na lugar di loque e Bestuurscollege di D.P. tabata propone.

Un di e dificultadnan mas grandi cu Corsouw lo mester enfrenta den futuro ta e hecho cu

e Gobierno Central ta worde forní entre otro door di D.P. y cu e gobierno insular ta worde forní door di N.V.P.

Esaki seguramente lo trece friccianan y ta sumamente urgente pa busca un solucion pa esaki.

E solucion mas logico ta, den nos vista, un coaliccion P.P.A.-N.V.P.

Isla Ariba y Bonaire, especialmente awer cu aparentemente e lider di D.P., Efraim Jonckheer a duna mas o menos di conoce di no ta tanto interesá den e responsabilidad di un gobierno durante e custer anjanan venidero.

E declaracion aki, cu a aparece den un diario local, a sosa nos masha extraño, pero e declaracion no a worde contradici.

Pero sen como sea, pa loque ta e asuntunan netamente insular di Corsouw, N.V.P. ta bai baya bopi di haci y esaki mester worde haci rapidamente y na e mes un tempu cu eficiencia.

NOTICIA ESPECIAL!

CONVOCATORIO

INDEPENDENT OIL WORKERS UNION OF ARUBA cordialmente ta invita tur su miembronan financiero pa atende su reunion general di miembros, cual lo wordu teni Diadomingo Juni 9 1963, na Teatro Aurora na Santa Cruz, cuminzando pa 10.00 a.m. en punto.

E agenda pa e reunion ta lo siguiente:

- Presentacion di Huisboudelijke Reglement di Union pa aprobacion;
- Rondvraag;

Miembronan di Union ta wordu recorda pa presenta nan kaarchi di miembro na entrada.



E CONCIERTO DI ORQUESTA SINFONICO DI ARUBA OTRO EXITO MAS PA AD STENZEN

Un Centro Cultural completamente yen a presencia un di e exitonan mas grandi di Ad Stenzen na Aruba, ora cu el a ofrece un concierto di e Orquesta Sinfonica di Aruba en cooperacion cu e Coronan di Misa Protestant y Vivon en Chantant y e solistan Ruth Jobes (viola) y Nic Möller (bas).

Den algun sector di e comunidad arubano tabata reina algun descontento pa e hecho cu e concierto aki no a wordé postponé en consecucion cu e fallecimiento di Papa Juan 23, pero despues di a busca informacion tocante esaki, nos a ripara cu postponé e concierto tabata imposibel, pasobra tabata envolvi bende di Corson, tin miembro di e orquesta cu ta bandona Antillas e dianan aki y como cu e programa cultural na Aruba ta repleto den e temporada aki, tabata imposibel pa e haya un otro fecha adecuada.

Sin embargo, e difunto Papa Juan 23 a wordi recordá debidamente cu un introduccion di sr. Jan Beaufon, president di C.C.A., un minut di silencio y un ehecucion di e coro final di e Matheus Passion di Bach na memoria di Juan 23, door di e orquesta sinfonica.

Ad Stenzen a inicia e concierto cu e Orquesta ehecutando dos menuet di e compositor italiano Luigi Boccherini. Despues di esey tabatin actuacion di e bas Nic Möller acompaña pa e Orquesta. El a canta un aria di Lortzing y door di e opera "E Flauta Magica" di W.A. Mozart.

Debí na cu nos a yega laat, nos no por a tende ni e dos menuetnan di Boccherini, ni e prome aria di Nic Möller.

Nic Möller a scobe dos di e arisanan mas conocí di Mozart, corriendo cu esey e peliger cu un publico den casonan asina semper ta bai compará cu grabacion-



Ad Stenzen

nan perfectísimo, cu diariamente nan ta tende na radio of na disco.

Pero e solista a resulta un revelacion pa nos, ya cu na Aruba practicamente casi nos no ta tende un bon bas, cu un timbre masha agradabel den su voz y hopi musicalidad. E aplauso ovacional tabata completamente merecido.

E parti prome cu e intermedio a wordé finalizá cu e conocido "Kleine Nachtmusik" di Mozart. Esaki ta un numero cu parece mas facil di loque e ta y cu esaki tin e mes problema cu e arianan, cu Möller a canta, esta, nan ta demasiado conocí.

E ehecucion cu Stenzen a presenta, sin embargo a duna prueba di un preparacion intensivo y minucioso, guai pa un sentido profundo di musicalidad, cual tabata forma un recompensa completo pa e desperfectonan chiquito riba terreno tecnico. E "Kleine Nachtmusik" tabata un bon clausura pa e parti prome cu pausa, cual tabata promete hopi mas ainda pa despues di e intermedio y asina a resulta tambe.

E prome numero di e parti complementario tabata e concierto pa viola y orquesta den si menor di G.F. Handel. Como solista a actua un cara nobo riba Aruba, esta, e americana Ruth Jobes. E viola ta un instrumento

cu ta relativamente poco conocí cerca e publico grandi, pero e ehecucion di Ruth Jobes a capta e atencion di benter e publico durante benter e concierto di Handel. Especialmente den e "Andante" el a laga su instrumento demostra su timbre atractivo den e sentido mas amplio y yen di musicalidad.

Nos ta spera cu Aruba lo por goza bopi tempu di e artista aki, pasobra generalmente, ora nan ta asina bon, nan no ta keda mucho tempu y Aruba tin mester di nan.

Nos mester menciona aki tambe e trabau di acompañañan cu e Orquesta a realiza, pasobra aki tabata den un palabra perfecto, naturalmente te caminda bo por yega cu un orquesta di aficionados. E mehor parti di benter e anochi nos ta considera e dos movimientonan for di e Serenada pa Orquesta di cuerda opus 48 di Tchaikovsky, esta, un Vals y un Elegia. Den e dos numeronan aki, director Stenzen a saca tur loque tabatin den e orquesta. Desde e introduccion echa y sucesivamente den e Vals y e Elegia, e publico por a ripara cu e Orquesta Sinfonica di Aruba tabata confirmando plenamente su number como un orquesta di aficionados di alta calidad. Nos a keda asombrá di e perfeccion cu Stenzen a alcanza den e obra aki.

E concierto a wordé clausurá cu dos Madrigal di e compositor bulandes Hendrik Andriessen pa coro mixto y orquesta di cuerda.

Nos ta kere cu Stenzen no por a scobe un mehor clausura pa e concierto di dialuna anochi. Casi semper e ultimo numero ta decisivo pa e impresion cu un concierto ta laga cerca un publico, y despues di e dos madrigalnan di Hendrik Andriessen "Che debbo far" y especialmente "Evviva Bacco" e ta un impresion di e mehor, local a wordé demostrá den un aplauso ovacional di diferente minutu y cual a pone e concertantenan ripiti

(E ta sigi na pag. 11)

CUMPLEAÑOS WALTHER ARENDS

Diadomingo venidero, 9 di Juni, lo recordá su cumpleaños, Sr. Walther Arends, kende ta presta su servicio na Mario's den Nassastraat.

"Observador" gustosamente ta envia un cordial felicitacion pa Walther, desearo e un dia placentero di cumpleaños, y hopi felicidad pa futuro.

ANIVERSARIO JAN G. EMAN

Diasabra, 12 di Juni, Sr. Jan G. Eman mehor conoci como Shon Jany, lo cumpli un aña mas di feliz existencia. "Observador" ta felicitá Shon Jany sinceramente, desearo e hopi aña mas di bida den compania di su esposa, yunan y demas famia.

CONDECORACION PA GILBERT B. BROOKS SR.

Pa motibo di su gran trabou pa e padvinderman y su capacidatnan como lider di e organizacion ey, Sr. Gilbert B. Brooks Sr., anteriormente hefe di polis na Lago, a ricibi e condecoracion "Oscar" na San Francisco for di e conseho di e padvinderman di San Francisco.

Desde aña 1949 Sr. Brooks a ricibi e condecoracion di Orde van Oranje Nassau.

UN PABEN PA E.E.A. BEAUJON

Otro siman ta worde spera na Aruba, Sr. E.E.A. Beaujon, kende algun dia pasá a slaag na Estados Unidos pa Ingeniero Tecnico na e Universidad di Connecticut, Ohio. "Observador" ta envia un pablen pa su famia aki na nos isla, y ta desea Sr. Beaujon mes, exito pa futuro.



Jacobo F. Arends

JACOBO F. ARENDS A REGRESA GUATEMALA

Despues di un corto estadia na nos isla, a viaha pa Guatemala, Sr. Jacobo F. Arends, bou conoci como "Toti". Sr. Arends, kende ta nos correspondiente na Guatemala, ta residenciá aya, y a bin pasa algun dia huntu cu su otro familiares nan aki na Aruba.

J.F. BOUMAN 35 AÑA DI SERVICIO

Diasabra pasá Sr. J.F. Bouman, kende ta presta su servicio na Postkantoor, Oranjestad, a recordá e hecho cu 35 aña pasá el a drenta servicio di gobiernu.

E acontecimiento aki a worde celebra na Sociedad Bolivariano, na unda amigos, conocir y coleganan di Sr. Bouman por a felicitar e.

"Observador" ta agredá su mehor deseonan na tur esnan cu Sr. Bouman a ricibi y ta spera cu e lo cosechá hopi mas exito den su labor.

WILLY PETERSON DI CERBES TUBORG NA ARUBA

Durante algun dia a permanece na Aruba sr. Willy Peterson, encargado di venta di cerbes Tuborg den e Area di Caribe.

Dos biha pa anja e ta bishita Aruba y esaki tabata e promé bishita di anja 1963 na Aruba.

El a declara na nos cu debi na e ambiente agradable di Aruba, semper e ta keda aki mas di loque el a keda normalmente.

Diadomingo anochi sr. Peterson a bandona Aruba pa continua cu su gira den Caribe.

25 AÑA DI SERVICIO DI J. C. LIEVELD

Diasabra pasa Sr. J.C. Lieveld a recordá cu 25 aña pasa el a drenta servicio di polis na San Nicolas.

Esaki a worde celebra den cantina di polis na San Nicolas, na unda tabata presente, e comisario di polis na Aruba, C. A. de Jager y Sra., como tambe e Brigada comandant di polis na San Nicolas, Sr. Attema, y su amigo y colega Sr. "Observador" ta expresá su sincera felicitacion pa Sr. Lieveld, y ta deseá tur cos bon pa e añanan venidero.

A SLAAG NA HULANDA CU EXITO

A slaag na Hulanda na e R.K. Vroedvrouwechool di Heerlen, Sra. Dosithea Leest, kende ta yiu di Sra. Petronilla Leest di Montagne No. 6.

Na Arnhem a slaag pa onderwijs, Sra. Myrna Hernandez kende ya tin 4 aña studiando aya, y lo permanece na Hulanda te ora cu e obtené su hoofdsake.

Na Sra. Leest y Hernandez "Observador" ta desea mas exito den nan estudio y trabou.



(fr. H.G. Vischer)

Pentecostes 1963 lo keda mar-
cá den historia di Iglesia como
e fecha di fallecimiento di e Pa-
pa, kende a reviva e llama di Spi-
ritu Santo den Iglesia (y den
mundo) meskos cu un tormenta
cortico, pero violento.

Dia cu Angelo Cardenal Ron-
calli, Patriarca di Venecia, dia
28 di october 1958, a wordo es-
colé pa ocupa e cargo mas balto,
tur bende a spera cu esaki lo bira
pa Iglesia un temporada transi-
torio di poco importancia.

Pues, Roncalli tabata un di e
cardenalan mas bieuw cu den
historia a wordo elegi pa Papa y
bendenan facilmente tin e ten-
dencia di menosprecia e valor di
e bieuwman. Ademas e tabata
practicamente desconoci.

Pero a resulta completamente
contrario. En vez di un papa,
su Pontificado a bira e principio
di un primavera nobo, e activa-
cion di un desarollo nobo den
e manera di pensa di Iglesia mes
y un cambio efectivo den e rela-
cionnan externo entre Iglesia y
e otro iglesianan y mundo.

E ultimo palabraman di e Pa-
pa difunto tabata, cu e no tabata
miedo di muri, pasobra e taba-
tin confianza den futuro.

Tumando e confianza cristian
aki, no ta di mas, pa spera di
berdad, cu loke Dios a cuminsa
cu Juan 23, lo wordo conclui den
futuro.

E preocupacion di su predece-
sor Eugenio Pacelli (Papa Pio
12) tabata concentra mas parti
riba e propagacion di e berdade-

ro doctrina di Cristo, local taba-
ta di suma importancia durante
gera y e anjakan despues di gera,
pasobra tur cos tabata parece
inestable.

Compará cu pasado, e gera a
depriva e bendenan di e seguri-
dad di antes y e desarollo gran-
di ciencia aparentemente taba-
ta encera un conflicto cu e
Revelacion bieuw di nos reli-
gion.

Su personalidad sumamente
humano a bacié accesible pa tur
bende. Y mi ta kere cu ta preci-
samente e franqueza di su inter-
es pa humanidad y su preocu-
pacion pa e bienestar di su jua-
nan, a duné un aversión contra
cualquier discordia.



E tabata un amigo franco pa
tur bende, sin tene cuenta cu e
religion di e otro maske cu pro-
bablemente e mester a condena
e religion aki. Un ejemplo di
esaki tabata por ejemplo su ac-
titud pa cu comunistanan.

Ta p'esey cu e tabata un lu-
chador sincero pa justicia y paz,
pasobra caminda no ta existi jus-
ticia y paz, ey amor no por reina
tampero.

(Como obispo e tabata parti-
dario di obreronan den welga,
kendenan tabata exige e derecho
pa por uni nan mes; como Papa
el a scribi e famoso enciclica
Mater et Magistra, den cual e ta
duna un alegato pa realizacion
di justicia economico y social
den mundo y den cual el a de-
monstra tambe ta kiko e justicia
economico y social aki ta.)

Den su ultimo dianan Papa a
laga sa, cu e ta dedica su sufr-

mento na Dios pa paz, y flore-
cimiento pa Iglesia y mundo. E
ofrenda aki na modo di papa ta
un resumen di e ideal di su bi-
da: "cu tur por ta uno den amor".

E ideal aki el a trata di realiza
den tur forma posibel y especial-
mente pa medio di su acercamien-
to afectuoso di e bendenan
apart y di e humanidad como un
totalidad.

Dos di talvez tres punto lo ke-
da caracteriza su Pontificado
den historia:

E Concilio (cual segun e pa-
labraman di Mgr. Holtermann
berdaderamente por wordo yamá
Su Concilio, pasobra e ta ento-
ramente den e signo di su inter-
es pastoral); e aparicion di e
enciclica "Pacem in Terris", den
cual e no ta exhorta pa paz so-
lamente, pero ta muestra den for-
ma evidente ta kiko e paz aki ta
y con e por wordo realizá.

E mes a yama e enciclica aki
un "regalo di pasco" pa mundo.

Y finalmente nos lo por men-
ciona e enciclica Mater et Magis-
tra, cual nos a memora aki riba
caba.

Door di e Concilio el a duna
unor caba un caracter mas libe-
ral y humano na e relacionnan
entre Iglesia Catolica y e otro
iglesianan y el a duna e empen-
jo ecumenico e base pa un berda-
dero inclinacion ecumenico, y
e empenjo pa un union cristian
mester a resulta cerca di e em-
penjo pa union den mundo, di
cual Pacem in Terris a bira e fru-
to final.

Ca e Iglesia no ta pará na-
fó di mundo y cu Iglesia ta ber-
daderamente interesa den e pro-
blemanan di mundo, e kier a ex-
presa den Mater et Magistra y
tambe door di e Concilio, cual
tabatin como obieto pa renova
Iglesia segun e espíritu di e tem-
punan moderno y pa adaptá na
e espíritu moderno aki.

E kier a uni tur su juman pa
nan bira un solo famia grandi, y
e tabata convenci cu caminda
tin confianza y amor, esaki no
ta wordo avergonzá.

P'esey cu el a fallere den paz.

(Continuacion di pag 8)

e "Erviva Bacoo", cual tin un color mucha especial, efectonan interesante y e suficiente elemento sensacional pa atrase y anima cualquier publico.

Nos ultimo nota tocante e concierto aki ta, cu e concierto aki tabata a la vez e despedida di Ad Stenzen, kende ta bai bondona Aruba definitivamente. Ta dificil pa haya un reemplazante, cu lo desplega mes tanto actividad y calidad cu Ad Stenzen. Si nos mira simplemente e Orquesta Sinfonico di Aruba. No obstante cu continuamente miembronan di e orquesta ta bai, toch el a logra mantene e orquesta aki durante varios aña esha riba un nivel balto. Si nos mira por ejemplo con den poco tempo el a logra prepara diferente discipulo di tal forma, cu nan por actua den e Orquesta Sinfonico. Si nos mira por ejemplo e calidad di e Coronan, cu ta baa di su encargo.

Tur esaki ta pone nos haya e miedo, cu tur loque a worde lanta a base di un energia indomable y capacidatnan musical y personal, talvez bai perdi buntu cu e haimento di Ad Stenzen.

SALESMAN DI VIANA LO RICIBI DOBBEL EXTRA BONUS

Atrobe Viana Auto Supply ta ofreciendo benter Aruba un gran oportunidad pa gana bopi placa.

E compana di "salesman" a worde prolonga cu un luna mas, como cu e tabatin asina tanto exito.

E extra bonus pa e persona cu hende 4 auto, awor a bira dobbel, cota fls. 200.— pa luna di Juni.

E comision cu Viana ta paga cada "salesman", ta lo siguiente:
Pa auto segunda mano te na fls. 1.500.— fls. 50.—


Pa auto segunda mano mas cu fls. 1.500.— fls. 100.—

Pa autonan nobo "Europeo" fls. 100.—

Pa autonan nobo "Americano" fls. 150.—

Ademas tur hende por participa: mucha y hende grandi.

Frigidaire Space Saver!



12
Cubic Feet
Capacity

DA-12-63
Model
11.60 cu. ft.
net capacity

FRIGIDAIRE

PRODUCT OF GENERAL MOTORS

For only Fls. 558.— (Cash)

Agents: N.V. Winkel's Handel Maatschappij
Phone: 1431

Phone: 5095

Diabierne 7 juni, pa 7'or di anochi, lo worde freece den iglesia San Francisco na Oranjestad UN MISA DI REQUIEM

pa descanso di alma di PAPA JUAN XXIII.

Tur autoridadnan civil y militar, miembronan di Cuerpo Consular, henden di departamentonan di gobierno y consorcio, tambe tur fidelnan en general ta worde invita pa asisti na e servicio di luto aki.

N. ERKAMP O.P.
Pastor



BINGO

E Bingo Comercial ako ta wordé presentá tur siman door di "Observador". Por wordé ganá semanalmente un total di Fls. 150.—, prome premio di Fls. 75.—, un segundo premio di Fls. 50.— y un tercer premio di Fls. 25.—.

E manera pa participá ta masha facil.

Cada producto menciona riba e tabla di Bingo, ta representa cuater number, por ehemplo Amsel ta representá e numbernan 10—35—60—85.

E Bingo aki ta core simultaneamente cu e Lotería di Beneficencia Publica del Distrito Federal na Caracas, cual ta hunga tur Diaman y di cual e resultado ta wordé publicá tur Diamas den e dianeronan venezolano.

E Lotería di Caracas tin tres premionan grandi y e dos ultimo cifranan di e numbernan ganador na Caracas, ta indica e number ganador di e Bingo.

Por ehemplo, Diaman, e prome premio di e Lotería di Caracas a cai riba number 6968. E ultimo dos cifranan di number 6968 ta 68, kier meca cu e prome premio di e Bingo ta corresponde na e producto Nutricia.

E segundo premio na Caracas tabata 7244. E ultimo dos cifranan di number 7244 ta 44, kier meca cu e segundo premio di e Bingo ta corresponde na e producto Sapolin.

Y e tercer premio di Caracas tabata 6685, siendo e ultimo dos cifra-

B

38



**BOEKHANDEL
MARISKA**

63

43

88



Mansur Trading Co.

68

48

18

98

OVALTINE

Posner's Agencies

73

28

23

78

Productonan



**N. HABIBE JR.
Supermarket**

53

33

3

83

**Arends
ESSO
Servicenter**

58

8

I

9 **NORDMENDE** 89



**Texas Furniture
Store**

64

44

40

B.O.

Aldotrav

65

45



**Arends Hardware
Store**

69

49

19

99



REY DE COPAS

74

29

24

79

NESBITT'S

**ARUBA BOTTLING
COMPANY**

54

34

4

84

White Horse



Wimco

Licores Ar

9

60

M

**Aruba
Super Co**

50

30



Licores Ar

<p>N</p> <p>A.C.</p> <p>bureau</p> <p>15</p> <p>95</p> <p>raat 19</p> <p>20</p> <p>75</p> <p>ER</p> <p>ba</p> <p>orporation</p> <p>0</p> <p>80</p> <p>VAUXHALL</p> <p>Aruba Motors Co.</p> <p>5</p> <p>85</p> <p>uba N.V.</p> <p>10</p>	<p>G</p> <p>11 NEW AVENUE 91</p>  <p>Mirep Store Ltd.</p> <p>66</p> <p>46</p> <p>STA. MARTHA</p>  <p>CHICKEN FARM</p> <p>71</p> <p>26</p> <p>HELENA RUBINSTEIN</p> <p>Botica Aruba</p> <p>1</p> <p>31</p> <p>VAUXHALL</p> <p>Aruba Motors Co.</p> <p>6</p> <p>36</p> <p>Huma semper</p>  <p>61</p>	<p>O</p> <p>42 ZODIAC 92</p>  <p>N.V. KAN</p> <p>67</p> <p>47</p> <p>FLORSHEIM SHOES</p> <p>La Moderna</p> <p>72</p> <p>27</p>  <p>PLAYALUX</p> <p>52</p> <p>32</p> <p>DITZLER</p> <p>Paints</p>  <p>57 Jossy Motors 7</p> <p>37</p>  <p>Continental</p> <p>E. & G. Martijn Ltd.</p> <p>62</p>
---	--	---

nan 55, loque ta alica cu e tercer premio di e Bingo ta corresponde na e producto Amstel.

Bao di e pagina aki tin un ship y tur siman e participantenan na e Bingo mester yena e tres productonan cu nan ta kere cu lo sali number 1, 2 y 3, husto cu nan number y adies completo y poeme cu e Diarars agniente na e fecha di e "Observador" ey, nan mester entregá na oficina di "Observador", na Wilhelminastraat 31, of mandé pa post, via P.O. Box 142 na Oranjestad, Aruba.

E persona cu a yena e producto corecto pa e prime premio ta haya Fls. 75.—, esun cu a yena e producto corecto pa e segundo premio ta haya Fls. 50.— y e persona cu a yena a producto corecto pa e tercer premio ta haya Fls. 25.—.

Pero tin un restriccion. E participante ganador no ta haya e suma ey cash, pero nan ta haya un vale cu e suma en nos a gana, pa gasta comu e firma cu ta agredí di e producto ganador.

Kas asina si Pablo Jansen a gana e prime premio cu e producto NUTRICIA, e ta haya un vale di Fls. 75.— pa gasta na Mamma Trading.

Si tin un ganador di cada premio, lo ta decidí y e siman siguiente e ganador ta gana e suma di e producto ganador lo worde publicá den "Observador". Nos ta desea tur nos lectorinan suerte y nos comu.


CANADORNAN BINGO
Mei 29, 1963

- 1o Premio —**
No. 19 - Arends Hardware Store
C.R. Arends - Nassaustraat 153.
- 2o Premio —**
No. 89 - Texaco Furniture Store
Donald J. Effer - v. Walbeekstraat No. 3.
- 3o Premio —**
No. 23 - Posner's Agencies
Lucita Kock - Juana Morteo 107

Producto No. 1: No. 2: No. 3:

Number: Adres:

CRUCIGRAMA



HORIZONTAL

12. Sorte di arma automatica.
13. Cabai ebiquito.
15. Agradabel.
17. Compania Radial Curazao-
lenjo (abrev)
19. Kita bida di un hende (na
spanjé)
21. Conflicto militar
22. Trahan
24. Kita bida di un hende
25. Macho di un galinja
28. Rio na Alemania
29. Item (abrev.)
30. Afirmacion
31. Un na ingles
32. Meeco cu 29 horizontal
34. Carta di baraja
35. Club profesional di baseball
na Nicaragua
37. -----endshra

39. Famoso caya na Paris
40. Munher di poco inteligencia
(plural)
41. Den oranan di masinta
43. School tecnico na Aruba
45. Substancia pa pega
46. Titulo di un abogado
47. Munher di hopi sabiduria
49. Signo di zodiaco
51. S.P.B.O.T.
53. Partí di bo cara
54. Meeco cu 47 horizontal
56. Famoso opera di Verdi
57. Number di muchahomber
60. Sorte di sherry spanjé
61. Sonido cu un hurico ta haci
62. Papel cu valor
63. Aereo, cambiando e ultimo let-
ter pa e penultimo letter di
alfabet.
65. moneda chines
66. Na favor dimi

68. Limpia algu cu awa
70. Habitantenan di Guatemala.

VERTICAL

2. Iberia sin ultimo letter
3. Number di muchahomber
4. Prefijo cu ta indica nobo
5. Anonimo
6. Famoso universidad di Paris
7. Agencia internacional di
prensa.
8. Loque bo ta haya na school
durante les di rekemen.
9. Ciudad na Asia.
10. Instrumento popular na A-
ruha sin ultimo letter.
11. Sabroso ingrediente pa cu-
minada, di cual Winkel Han-
del ta agente na Aruba.
14. Accion di transporte
16. Carni na Ingles.
17. Resto di un sigaria.
18. Cans duro.
20. Asociacion di Comercio na
Aruba.
22. Nota musical.
23. Dios di solo na Egypto.
30. Princesa cu a hira artista di
cine.
33. Wega falso.
36. Compania aereo na Colum-
bia.
37. Asociacion di Organizacion-
nan Latino (abrev)
38. Carta di baraja.
42. Movicion di lama.
44. Cabezante di un sinagoga.
46. Cu ta sirbi como ejemplo.
48. Ta worde usá pa pone na
porta.
49. Tin diferente...di deporte.
50. Industria ham di tera.
52. Ripiti
54. Contrario di "plus" (di a-
tras pa dilanti).
55. Number femenino.
58. Ingieri cuminda.
59. Bebida japones.
62. Articulo pa hunga baseball.
- ?? Preposicion.
67. Number di un letter.
69. Antillas Neerlandes.

(E ta sigi na pag. 17)

Lema di Siman: 27 vert. - 1 hor. - 66 vert. - 26 vert. - 64 hor. - 58 hor.

CRUCIGRAMA No. 17

Number: _____ Adres: _____

DAKOTA R.C.A. VERGUENZA PA FUTBOL DI ARUBA

E equipo campeon di Aruba, Dakota, a logra su prome victoria di e campeonato 1963 contra su rival mas grandi, e subcampeon R.C.A.

Pero e victoria aki por bien worde yamá tambe un di e derrotanan mas grandi cu Dakota a sufri, desde cu e equipo a worde fundá.

Di punto di bista netamente futbolístico e victoria di 1-0 tabata completamente merecido, pasobra, no obstante cu R.C.A. a cherere un dominio durante mayoria di e tempo, toch Dakota a yega hopi mas cerca di e gol di R.C.A., nan tabata mas peligroso y algun biha nan a duna prueba cu en herdad nan ta e mehor team di futbol riba Aruba.

Pero di punto di bista deportivo e actitud di Dakota tabata triste, asina triste cu nos no ta desea di describi e actitud ey. Solamente nos kier bisa cu hungadornan manera Doc Williams y Dani Pablo mester a worde expulsá for di e terreno desde cuminsamento caba.

Hopi hende ta bisa cu e refree tin culpa di tur cos, pero laga e bendenan aki corda cu e refree t'ey pa dirigi un partido di futbol y no pa e comportacion deportivo di e team di futbol depende di dje.

Nos lo a sprobá si e directiva di R.C.A. lo a pone su hungadornan bendona terreno, pasobra, aunque R.C.A. tampoco tabata completamente limpi, un tal decision lo tabata justificá, ya cu cada un di nan hungadornan continuamente tabata core e peliger di worde lesioná.

E unico luz di e partido tabata e actuacion di Simon Lampe, back nobe di R.C.A., kende a anuncia su mes como un gran prospecto den e defensa di e tri-colournan.



JONG ARUBA vs. ARUBA JRS. 2 - 1

Diasabra anochi a enfrenta otro den Wilhelmina Stadion e equiponan Jong Aruba y Aruba Jrs. Contrario na e encestro di diamars anochi, esaki tabata un partido cu a worde bungá completamente den un ambiente deportivo y agradabel.

Di punto di bista futbolístico tambe e tabata un partido bon, caminda Jong Aruba a sali victorioso debi na e mayor peligrosidad di su delantera.

Aruba Jrs. a presenta cu un team enteramente rejuvenecé y cu varios hungador cu tabata pertenece na e team Estudiantes. Door di e sanger jong aki, Aruba Jrs. a demostra un vivacidad cu tabata desconoci den e onena aki durante e ultimo anjanan.

Atroube a sobresaí e resistencia di Jong Aruba. Nan ta cuminsa y termina un partido di futbol cu e mes un ritmo elevá y e pasenan bon colocá di e interior izquierdo Ange Peres tabata percura pa continuamente e delantera di Jong Aruba tabata forma un peliger pa e meta di Aruba Jrs.

E poco público presente a goza di un partido rapido, den cual, numera nos a bisa caba, Jong Aruba a logra un victoria merecido di 2-1, logrando asina su dos promé puntoman di e campeonato 1963.

Direccion di e partido, tabata den man di Mateo Reyes, kende, no obstante un largo ausencia, a realiza un bon papel.

CHISMES DEPORTIVOS

Pa e partido di futbol di diamars siman pasá, e comandante di e Marinierman na Aruba, mayor Baljeux, a worde invitá door di A.V.B. pa presencia e partido aki.

Aceptando e invitacion, e comandante Baljeux a bini Wilhelmina Stadion, a tumá asiento riba eretribune, caminda el a pasa hopi rato su so.

Ningun miembro di directiva di A.V.B. tabatin e gentileza di ointa cerca dje, siendo cu e tabata nan huested.

A.V.B. a ofrece na e marinierman, cu ta presencia wegá di futbol na uniforma, un rebaba di cincuenta porciento. Ta un bunita gesto, pa cual nos no tin otro palabra cu elogio.

Sinembargo, A.V.B. mester tene cuenta cu no ta A.V.B. ta dicidí riba e entrada na Wilhelmina Stadion, pero Aruba Sport Unie y lo mas correcto den e caso aki tabata pa tumá contacto cu Aruba Sport Unie prome cu haci tal oferta na e marinierman.

Ademas ta bini acerca cu e control mecanico cu Aruba Sport Unie a instalá na e entrada di e tribunenman, ta perde tur -u valor door di esaki.

FUTBOL INTERNACIONAL

E Torneo pa e Copa di Spanja a causa diadomingo un sorpresa grandi, ora cu Zaragoza a elimina Atletico de Madrid y a pasa pa e final. E prome partido entre Real Madrid y Betis, a termina den un victoria pa Betis cu score di 1-0 y tur bende a kere cu Real Madrid lo a classifica diadomingo pasá, derrotando Betis na Madrid cu un mehor averahe di gol.

Pero esey tampoco a bira berdad, pasobra en realidad Real Madrid a gana, pero solamente cu score di 3-2, kier mear cu e diferencia di gol tabata solamente un, y por lo tanto mester worde bungá un partido decisivo.

**PROGRAMA PROVISIONAL
A.S.U. · OLYMPIADA**

Diavieses 5 di juli

7:30 p.m. Inauguración di e Olympiada den Wilhelmina Stadion y un programa di boxeo amateur.

Diasabra 6 di juli

3'or hollar, 4'or ping ping y 8'or di anochi baseball internacional den Lago Sport Park.

Diadomingo 7 di juli

Den oranan di mañá tin diferente competencia di deporte acuático na Aruba Caribbean Hotel.

Diez or y mei di mañá tin volleyball, bismamento di peso, hollar y ping pong.

Dos or y mei di merdia tin baseball internacional den Lago Sport Park.

Dialuna 8 di juli

Atardi tin judo den Lago Sport Park y 7'or y mei di anochi tin Basketball.

Diamars 9 di juli

Siet'or y mei di anochi tin softball internacional den Lago Sport Park y 8'or tin bowling den Esso Club.

Diasabra 10 di juli

Och'or di anochi tin esgrima y tambe softball (local) den Lago Sport Park.

Dialuete 11 di juli

Siet'or y mei di anochi tin un programa di atletismo y ciclismo internacional den Lago Sport Park.

Diavieses 12 di juli

Pa 7'or y mei di anochi tin un

otro programa di atletismo y ciclismo internacional den Lago Sport Park.

Diasabra 13 di juli

Tres'or di merdia tin tennis na Aruba Caribbean Hotel y anochi 8'or futbol internacional den Wilhelmina Stadion.

Diadomingo 14 di juli

Diez'or di mañá tin cricket den Lago Sport Park y landamento na Aruba Caribbean Hotel.

Tres'or di merdia tin tennis na Aruba Caribbean Hotel. Cant'or di atardi tin futbol internacional den Wilhelmina Stadion, cuarto pa seis tin coronación di Reina di Deporte y inmediatamente despues clausura di e Nuevo Olympiada di A.S.U.

**SAN NICOLAS JRS. TA
DERROTA TROPICAL**

Diamars anochi San Nicolas Jrs. a baci su prome aparición di e campeonato 1963, den un wega contra Tropical, cual nan a gana cu score di 4-3.

Talata un wega animá di ambos banda, den cual San Nicolas Jrs. a demostra mehor futbol contra e entusiasmo di Tropical.

E golman di San Nicolas Jrs. a wordé anotá door di Juan Kock, Bisliel, Sylvio Comencencia y Angel Kroezendijk, mientras

cu pa Tropical a anotá Osbello Antersija y Casper Boekhoudt.

E keepern talata Raffini pa San Nicolas Jrs. y Gregorio Donati pa Tropical.

Donati a drenta den wega, ora cu Pedro Dijkhoff a wordé lesionado.

**SUSPENSION DI A.B.B.A. NO
TA VALIDO**

Diasabra mañá sr. Tico Kuiperi, president di Amateur Baseball Bond Aruba, a ricibi un telegrama di dr. Zecca, president di e Federacion Internacional di Baseball Amateur, caminda ta wordé bisá cu e decision, tumá na Sao Paulo recientemente, pa suspende A.B.B.A. temporalmente como miembro di F.I.B.A. no ta valido.

Esaki pues tin como consecuencia cu Amateur Baseball Bond Aruba, mesos cu anteriormente, ta keda miembro di F.I.B.A. y ta keda representa baseball di Antillas Hulandes den e entidad mundial ey.

**A.V.B. TA DICIDI DI HUNGA
COPA ANTILLANA TOCH**

Diamars anochi a wordé teni un reunion di directiva di Aruba Voetbal Bond, durante cual a wordé dicidi cu Aruba lo participa toch den e campeonato antillano di futbol, cu ta cuminsa diasabra venidero, no obstante cu e resolucion di A.S.U. ta vigente ainda.

Directiva di A.V.B. a notifica A.S.U. por escrito tocante su decision. A.V.B. ademas ta declara cu e resolucion di A.S.U. ta en contra di su estatutos.

PA TUR SORTO
DI ARTICULOS
DI SPORT

ACUDI NA

J. E. P. Cabenda

E Centro preferi pa tur bon deportistanan.

PASA NA
OUDE SCHOOLSTRAAT 3
Y CONVENCE BO



GRANDES LIGAS

Despues di e partidonan di weekend, a hini algun cambio den e prome puestonan di Liga Nacional y Liga Americana.

Den Liga Nacional, caminda San Francisco tabata ocupa e prome lugar y Dodgers di Los Angeles e segundo lugar, Dodgers a wordé desglazá door di Cardinals di San Luis, kenden swor ta number dos.

Den Liga Americana tin un empate entre Baltimore, New York y Chicago. Generalmente e tres clubnan aki ta wordé considerá e favoritonan pa gana e gallardete den Liga Americana.

E buagadornan latino den Grandes Ligas ta realizando un papel inferior na esun di anja pasá. Ningun caminda ta aparece por ehemplo e nombernan di peloteronan manera Manuel Jimenez, di Roman Mejías, kendenan tabata estrella di primera orden anja pasá.

Diferente otro latino a wordé manda pa Menores, debi cu nan no a cumpli den Mayores. E unico novato, cu a cumpli y cu ta ainda ta ganando admiracion, ta e venezolano Vito Davalillo.

Despues di un mal cuminsamento, el a cuminsa cu un demostracion di bateo, te cu su averahe actualmente a subi te riba 300, y te ainda su fildeo ta impecable.

Felipe Rojas Alon a recupera completamente di su slump, den cual el a keda 24 turno sin hit.

Si nos conta e cantidad di home-run, cu a wordé conecta tanto den Menores como den Mayores, nos ta haya cu e siguiente peloteronan ta e promenan den historia di baseball: Babe Ruth 715, Ted Williams 587, Lou Gehrig 554, Jimmy Foxx 545, Melvin Ott 511, Stan Musial 500, Joe Mauer 478, Eddie Mathews 460, Mickey Mantle 454, Buzz Arlett 451, Johnny Mize 440, Duke Snider 438, Hank Sauer 437, Joe di Maggio 435 y Nick Collup 430.



POSICIONAN DEN BASKETBALL DESPUES DI PROME ROND

Despues cu e prome rond di e campeonato 1963 di basketball a termina diaviesnes anochi, nos ta publica aki e tabla di posicion den cada un di e departamentonan.

Damas	w.b.	w.g.	w.p.
Aruba Jrs.	4	3	1
Victoria	4	3	1
Tivoli	4	2	2
Valiant	4	2	2
Caribe	4	0	4

Juniors	w.b.	w.g.	w.p.
Aruba Jrs.	4	3	1
Don Bosco Jrs.	4	3	1
R.C.A. Jrs.	4	0	4

B-klasse masculino	w.b.	w.g.	w.p.
Aruba Jrs.	5	5	0
Plymouth	5	4	1
R.C.A.	5	2	3
Caribe	5	2	3
Estrella	5	1	4
Mariners	5	1	4

A-klasse masculino	w.b.	w.g.	w.p.
Plymouth	4	3	1
Don Bosco	4	3	1
R.C.A.	4	2	2
Aruba Jrs.	4	2	2
Y.M.C.A.	4	0	4

Den e tabla di posicion aki no ta inclui e partidonan, cu a wordé hungá e siman aki. Dia luna anochi e segundo rond a cuminsa.

(Cont di pag. 14)

PREMIONAN DI E SIMAN AKI

1o Premio :

1 vale producto Libbys fls. 17.50

2o Premio :

1 vale producto Libbys fls. 12.50

3o Premio :

1 vale producto Libbys fls. 7.50

CON PARTICIPA !

Si bo mta e cronograma aki bon, bo ta ripa cu bo di Horizontal y Vertical falta algun descaipico.

Smenburg, si bo soluciona tur e otro numbernan correctamente, lo bo haya automaticamente e palobonan cu ta tin descripciu pa nan y e palobonan cu tur siman ta forma un lema cu ta corresponde cu un di e famoso productonan di N. V. Winkels Handel Mastichappij.

Despues di a yena e lema correctamente nta e slip, lanta cu bo nomber y bo adres completo, pone cu Dadoosingo sea bo ta entregá na oficina di "Observador", Wilhelmstraat 31, Oranjestad, of mandé pa post via P.O. Box 142, Oranjestad, Aruba.

RESULTADO DI SIMAN PASA

E lema di siman pasa tabata
De ware airconditioner beet
Frigidaire

GANADORNAN CRUCIGRAMA

Mei 29, 1963

1o Premio

D. Franket, Bacobastraat 15

2o Premio

Fernalia Christiane, Noord Cura
Cabal No. 13.

3o Premio

Mente Hese, Dominiencassensstr.
No. 24



RESULTADONAN LITTLE LEAGUE

E resultadonan di e weganan, bungá durante e ultimo week-end den Little League, ta e siguiente: Rotary vs. Libbys 9-8 — American Legion vs. Viana 12-2. E partido entre Super-cleaning y Lions a wordé cancelá.

Aruba Caribbean Hotel vs. U. S. Keds 25-0 - Wrigley's P.K. vs. Oso Grape 3-7 y Nutricia vs. Pepsi Cola 12-1. E resultado mas remarquable ta e victoria di Rotary contra Libbys.

POSICIONNAN DEN E CAMPEONATONAN DI BASEBALL

Incluyendo e weganan, cu a wordé bungá te diamars anochi nos ta publica aki ban e posicion di e clubnan den e diferente clasenan.

Clase Doble A

Equipo	w.b.	w.g.	w.p.
Heineken	2	2	0
Eso Servicenters	3	2	1
Zenith	2	1	1
Winston	3	1	2
Marlboro	2	0	2

Clase A

Equipo	w.b.	w.g.	w.p.
Plymouth	3	3	0
Erres	3	2	1
Verf Antillans	3	2	1
Sta. Cruz Stars	3	1	2
Zeewijk Stars	3	1	2
Heineken	3	0	3

Junior League

Equipo	w.b.	w.g.	w.p.
Don Bosco	3	3	0
Coco Rico	3	2	1
Adams Chicklets	3	2	1
Cocomalt	2	1	1
Hilton Shoes	2	0	2
Friesche Vlag	3	0	3

CAMPEONATO DI BILLAR TA YEGANDO NA SU FIN

Dia 16 di Juni lo tin e ultimo encuentro riba mesa berde y a la vez entrega di diferente copa y premio na e ganadonan di varios divisionnan.

Esaki lo tuma lugar den Club Watapana na Oranjestad. Durante e ultimo aña, listinamente atrobe tabatin tres caso di default, local por desanimá e campeonato y mas ainda como cu ta den e ultimo dianan.

Francisco Ramada por ehen-

gana un wega sin ningún sorto di esfuerzo.

Den clase B, Aquiles Leon a gana cu e scorenan di 75-63 y 75-50 for di Lorenzo Yarzagaray y Carlos Kwidama respectivamente.

Víctor Fundador a supera Joaquín Giel 75-51, mientras cu Stefanus Figuera a gana di Juan Figuera 75-61 y Harold Arends a triunfa riba Dominico Farro cu e mesun score ultimo mencioná.

Di clase A, a wordé bunga solamente 2 wega, y Francisco Croes a gana cu tocan Arends cu e score di 150-133, mientras cu Federico Ovario a perde contra di Inocencio Farro, cu e score di 150-148, pues pa solamente 2 carambola.

FEDERACION ANTILLANO DI JUDO LO WORDE FORMA PRONTO

Na number di Aruba Judo Bond a viaba pa Corsow, Sres. Carlos y Hilario Bialp, kendenan lo deliberá nos birmans isla tocante e posibel formacion di un Federacion Antillano den e ramo ey. E preparacionnan ya ta basta avansá y hasta por lida cu e puntanan cu normalmente ta trece mas problema den e formacion di Federacion Antillano, ya a wordé resolví caba, pues e dos Bondnan ta di acuerdo y practicamente no tin nada mas pa stroba e formacion aki.

Na Corsow e Asociacion di judo ta afiliá esha na Vecuspo, y tin como obbeto pa uni tur e clubnan cu ta practica judo y organisá encuentronan.

E statuten di e Asociacion aki, ya a wordé aproba caba y e directiva ta consisti diá President F. Lei, tesorero E. Snijders; secretario J. Jap Tyong y vice-president y comisario G. Snijders y P. Perri respectivamente.

Ya tin 4 club caba cu ta afiliá na e Asociacion aki, nos ta spera cu pronto por forma un Federacion Antillano riba un base husto y imparcial manera mester ta den patinan democrático.

E REGALO IDEAL

pa bo regalo bo esposa ta un
REFRIGERADOR

Gibson

E REFRIGERADOR CU
TA BRINDABO
LUHO Y CONVENIENCIA
NA UN PRIJS
ECONOMICO
Y CU NO MESTER
WORDU DESCONGELA
NUNCA.

TEXAS Furniture Store

Emmstraat 6A
Teléfono 1082 - 1083

pel, no a presenta pa e encuentro cu Carlos Kwidama. Sr Ramada no a presenta pa bunga contra Jack-Tjie-A-Loi tampoco, y pa celmo ni Tjie-A-Loi tampoco a presentá pa e encuentro aki, leual tin como resultado cu tur dos bangadornan ta baya 0 punto.

Pa e wega cu mester a tuma lugar entre Chelán Jacobs e Inocencio Farro, e promé mencioná no a presentá y asina Farro a

RADIO VICTORIA TA TRANSMITI CONCIERTO DI ORQUESTA SINFONICO DI ARUBA

Manera costumber, Radio Victoria a graba e concierto, cu a worde duná dialuna anochi den Centro Cultural door di e Orquesta Sinfonica di Aruba y di cual nos ta duna un comentario den nos paginanan local. E grabacion aki lo worde transmiti dinsabrá awor l'or di merdia durante e programa "Radio Concert Hall" y anochi pa 10'or durante e programa di musica clásica.

Nos tabatin e oportunidad di scucha un parti di e grabacion despues di e concierto di dinsabrá anochi y e tabata asina bon cu nos ta recomenda nos lectornan pa sintoniza Radio Victoria dinsabrá awor tanto l'or di merdia como 10'or di anochi.

VEJEZ

E artista Bette Davis a bisa su amiguan: "E pleoiman den mi cara no ta preocupa mi tanto ora cu mi pensa riba tur loke mi a gosa pa obtené nan...."



OTRO CONTRACT PA ELIZABETH TAYLOR

Liza Taylor a eha di firma otro contract di película cu C B S, na New York, pa baci su debut na television di color. E lo worde filmá na Londen y lo tin duracion di un ora pa worde presenta na October na Miera. Pa esaki Liza lo ricibi e hunta suma di \$ 500.000.

RADIO KELKBOOM TA TRANSMITI PELEA ENTRE RODRIGUEZ Y GRIFFITH

Dinsabrá awor Radio Kelkboom lo transmiti e pelea pa e titulo mundial peso medio entre e cubano Luis Manuel Rodriguez y e mericano Emile Griffith.

E reportaje, cu ta cuminsa pa 9'or 20 di anochi, ta worde transmiti directamente for di Madison Square Garden na New York.

Dia 21 di maart di e aña aki, Rodriguez a conquista e titulo mundial peso medio, derrotando Emile Griffith pa punto na Los Angeles. E pelea di dinsabrá awor pues ta e pelea di revancha. E cubano Luis Manuel Rodriguez ta favorito siete pa cinco.

HONOR POSTUMO

June Allyson ta aparecé yorando riba e grafica, na Hollywood, mientras e actor David Niven (robes) y e productor Tom Mc Dermott ta trata di consolá'e.

Niven, meses cu Charles Boyer, a ricibi e trofeo Emmy den number di e fallecido actor Dick Powell, como premio di su notable contribucion na bienestar di television.

June Allyson ta e viuda di Dick Powell.



Riba e grafica aki Fyvie Leigh ta admirando un moneda de 1832 di Rusia, durante e reinado di Nicolas I. E ta huntu cu Vernon L. Brown, kende ta encargá cu e Museo Numismático di Chase Manhattan Bank, cu a eha di compra e moneda ey pa exhibí den Rockefeller Center. Na banda drechi ta aparecé tur e dos bandanan di e moneda mencioná.

REINADO DI PAPA JUAN 23

E difunto Papa Juan 23 a fallece na edad di 81 aña, 6 luna y 9 dia.

Su reinado a dura 4 aña, 7 luna y 6 dia.

Su ultimo deseo tabata pa e Concilio Ecumenico continua benditsamente, y esaki lo socedé. compaña door di e espíritu di Juan XXIII.

Algun di Su ultimo palabranan tabata: "Mi por observá mi morto poco poco. Mi ta progresá suavemente pa e fin."

JOYAS PA ARGELIA

Ariba e grafica aki un polis ta tumando warda dilanti un haki yen di joyas, na Argelia, cual a worde regala na gobiernu door di un señora.

E promé ministro Ben Bella a apela na e nacion pa nan a regalá obbietonan di valor pa asina yuda e publico.



ENTIERRO SOLITARIO

Riba e grafica aki nos ta mira un bista hopi tristo, te na unda poluexa ta yega.

Sebastino Bosco, siciliano desempleá, ta aparécé cargando e caba di morto di su yiu muher chikito, cual e ta hibaando pa e santana di Pachino, Italia.

Bosco no tabatin plara pa duna su yiu muher un bon entierro.

ACCIDENTE TRAGICO DI UN TATA Y SU YIU MUHER

Na Georgia, Cairo, a socedé un accidente masha tristo. Un granjero establecé na sur di Georgia a dreñtá su auto y a dirigí riba caminda pa su hogar.

Na e mesun momento, su yiu muher di 19 aña a salí for di su cas paterno den direcccion di Cairo, y e mes tabata stuur su auto.

Mey anochi e dos autonan a kii a boka contra otro riba caminda y e tata y yiu a resulta morto instantáneamente.

SEA CALMO

E italianonan ta bisa: Eson cu tumu tur cos cu calma lo bai mas leu y den mehor condicionan cu un persona sin pasenshi y nervioso.

POBLACION DI MUNDO

Actualmente e poblacion di mundo ta 3.1 billion.

Na aña dos mil, dentro di 37 aña, e cantidad aki lo bira nada menos cu 6 billion.

ILUMINACION ENORME

Riba e grafica superior ta aparécé e promé di e diez enorme candelacionan, cualman cada un lo tin 300.000 perla di cultivo, y ta colgá den e salon Perla di Hotel Hilton, un hotel nobo na Japon. Na e parti inferior un trabador ta trahando cu e perlanan pa uní nan na e superficie di e candelario di siete pis. E costo total lo ascendé te 277.000 dollar.



MATRIMONIO SIN AMOR

CAPITULO XVII

Rica a suspirá, net manera e tabata falta aire. Di repente el a bisa cu wewonan, a mira Arturo cu su mirada precioso y a his'é: Masha danki. Arturo mester a desviá su mirada y a bisa: Mi no sa pakico bo a casa cu mi. Bo ta jong... bunita. Pero mi no ta interesá pa bayu sa. Loke ta interesa mi ta bo presente y bo futuro huntu cu mi. Pasado ta di bo.

Mi ta preferá papia cu bo tocante mi pasado. Si ta un placer pa bo, bo por hacé libremente.

Al contrario, no ta un placer pa mi.

Anto no papia nada. Mi no ke sa nada. Mi ta rigiti cu ta bo presente y bo futuro ta interesá mi unicamente. Ami lo percurá na bo futuro huntu cu mi lo ta feliz.

Rica a hari cu tristeza.

Arturo, a haci net manera e no a ripará su tristeza, y a bisa: Bo papa a conta mi esaa cu bo no ta gusta papia mucho.

Rica no a contesta.

Kizas lo ta difícil pa nos dos confiaman cu otro, pero mi ta confia cu lo bo permití mi e entrada libremente. Cosnan difícil ta eansa mi. Mi a lucha hopi den e bida aki y ya mi ta fada. Mi por confia den bo? Mi ta cansá, Rica a contesta, lo mi por keda mi so un rato? Mi no tin gana di come. Mi ta preferá drumi.

Arturo a dirigí na e porta y a bisa: Ta duél mi cu tur cos no ta wordé solucioniá manera mi a spera. Desesáa casu cu bo ke. Mañan mainta tempran e camarera lo apuerta bo.

Y Rica, epoieta, a lag'é bal. El a tira su curpa riba e cama y a seonde su cara den su mannan. Si e lo a casa cu Janshi, lo

e uo a sintié asina cu. Y cu ansha el a murmurá: Janshi, Janshi!

..

E "Cadillac" tabata bula riba caminda. Rica tabata sinti keto, cu su pensamentonan leuw. Banda di dje, cu su mannan bon primá riba e stuurwiel, su casi tabata sinti cu un brillo especial den su wewonan.

Rica tabata ignorá si e brillo ey tabata habitual den dje. Arturo tabata listi mescos cu e anochi anterior y e no tabatin dushi.

Lo duél mi si mi reinado chikito lo no ta na bo smak, Arturo a bisa di repente.

Pakico bo ta kere cu lo mi no gust'é? Bo mester corda cu ta promer biaba cu mi ta sali laga mi cas.....

Mi no a lubida esey ningun momento.

Mi no kier pa bo huzga mi malo.

Mi no ta huzga bo di ningun manera.

Ta duél mi.

Arturo a dreí mir'é.

Bo ke... pa mi huzga bo?

Si, y bo mester corda cu ta pome biaba cu mi ta casa y e circunstancianan den cual mi a hacié mi ta normal.

Mi ca.....

Ademas.....

Ademas?

Ayera bo a bisa mi cu bo no ke sa nada di mi pasado. Pero mi deber ta di papia riba dje cu bo.

No altera bo sin necesidad.

Loke a pasa ta..... cu mi tabata namorá di un bomber.....

Arturo no a haci caso. El a fika su wewonan pa un instante den e cara cu tabata huy su mirada, y el a hari, bisando: Esy ta loke bo kier a conta mi? Rica, bo sa... mi a lucha hopi den mi bida. Mi a biba y mi a sinti asina tanto, cu e tal episodio

ameroso di bo no tin gran importancia pa mi. Mi no ta kere cu Janshi lo por a haci bo feliz. Un muher manera bo, no ta facil pa haci feliz.

Rica a dal un casito riba su asiento y cu su wewonan hancho babri el a keda mira Arturo, kende tambe tabata mir'é. Abo.... sa?

Mi sa tur loke mi kier sa. Tur loke ta interesa mi. Pero no preocupu bo. Mi sa desde cu mi a pidi bo man. Ainda mi ta recordá Janshi... aunque e quiza no ta corda mi. No, e no tabata e bomber pa bo. Mi ta stim'é.

E wewonan preto di Arturo a midí Rica di arriba abao.

Pordona mi.

Mi ta perdona bo. Bo ta excitá. Bai drumi un poco.

Mi no ta excitá. Y mi ta suplica bo cu awor cu adelante, percurá trata mi mescos cu lo bo a trata un muher, pasobra ya mi a pasa e edad di niñez. Mi ta preferá sigi kere cu bo ta e mucha muher di seis aña cu ta pidi mi cos dushi, Arturo a bisa cu un sonrisa y a la vez pensativo. Abo no ta corda mi; ningun bende no ta recordá e poder mucha bomber.... Pero ami ta corda bo so tur. Semper lo mi keda recordá e bondad di bo mama, e ternura y consideracion di bo papa. Bo dulzura di mucha, bon sinta riba mi rudillanan.... Y mi tabata tabata admirabo. Bo cabey semper tabata un obsesion pa mi. Bo tabata pasa bo brazanan rond di mi garganta, bo tabata sunchi mi, y bo tabata bisa mi cu bo lenga pegá: "Corda ora cu bo sali trabao, compra un bala pa mi". Y ami tabata trece pa bo.

El a keda keto. Rica a sinti algo inexplicable den su euzanon. E no por a rabia cu ne. Lo e no por nanca. Pakico e no tabata despota, manera Renny a bisa. Pakico e no a desguatá pasobra e tabata stima Janshi? Pakico e tabata recorda e episodionan di pasado!

E ta sigi.

Pa pasa ratonan ameno den ambiente agradable, acudi na

PIET'S SODA FOUNTAIN

ARIES



21 Maart — 20 April

Cambiosan violento y complicacionnan inesperá. Bo meester actua cu bopi presuncion. Controlá bo nerviosna. No perde soño, cuida bo salud.

LEO



23 Juli — 22 Augustus

No baci ningun cambio ni viaba e siman aki. No asisti na ningun reunion. Scucha comecho. Splica bo problema na otro, y no keda bo so cu ne.

SAGITARIO



23 November — 21 December

E siman aki por presentá situacionnan complicá pa bo. Evitá pleito y disgusto. Permaneé lo mas posibel den bo hogar.

TAURO



21 April — 20 Mei

Ben siman pa actividadnan social. Traba bo plannan awor. Cumpli estrictamente cu bo deber. No bebe ni humu di mas, esey por perhudica bo salud.

VIRGO



23 Augustus — 22 September

E siman aki ta trece felicidad pa bo. Tur bo asuntunan pendiente lo worde resolvi. Laga otro guia bo y scucha nan opinion.

CAPRICORNIO



22 December — 19 Januari

No papia di mas e siman aki. Lo bo haya un decepcion. Bon perspectivanan den negoshi. No baci ningun viabi, ni cambio.

GEMINIS



21 Mei — 20 Juni

Acontecimientonan importante lo tin pa bo e siman aki. Cuida bo alimentacion y soño. Busca distraccion, safi for di bo cas.

LIBRA



23 September — 22 October

Tur preocupacion bo disparcé e siman aki. Probechá regla tur bo asuntunan awor. Lo hin un cambio inesperá y favorable pa bo.

ACUARIO



20 Januari — 18 Februari

E siman aki cuida bo salud y controlá bo emocionnan. Pone bopi atencion na bo trabau, pasobra probablemente lo hin un aumento.

CANCER



21 Juni — 22 Juli

Lo hin un cambio pa bo e siman aki, sea pa medio di un carta of un yamada di telefoon. Controlá bo gestonan, no exagerá.

ESCORPION



23 October — 22 November

No cuminsá ningun negoshi e siman aki. Sea alerta pasobra nan lo trata di bruba bo cu engaño. Den bo hogar lo reina armonia.

PISCIS



19 Februari — 20 Maart

E siman aki lo trece bopi satisfaccion pa bo. Ben siman pa weganan di placa. Disfrutá di bo bida y busca mas amistad.

EQUIVOCACION

Dos ladron en tabata buy a sconde den un edificio, cual tabatin grabá band'i pafor, e siguiente tres letterman: "S.T.J.", cualnan nan a interpretá como Santa Teresa de Jesus.

E dia siguiente nan nos tabata den prison, y un di nan tabata bñsa: Cuá di nos por a bñsa ke re cu en vez di un convento, tabata e Supremo Tribunal di Justicia?

MAS ATENCION

Mira bomber, pone un poco mas atencion, ultimo biaha cu bo a mik riba un pushi, ami a resultá esun beridá.

Esey lo no bolbe pasa, lubidá. Desde awor en adelanto lo mi mik riba bo so, y asina lo mi mata e pushi.

STRAÑO

Un jonkuman: Ta parece mi extraño, pero cada biaha cu mi balla cu bo, segun mi e pieza ta bira mas cortico.

E mucha number: T'asina mes ta; e director di e orquesta ta mi jonkuman.

CASUALIDAD

Bo sa cu Luis ta na hospital? Si, ayera nochi mi a mir'e ta balla na Club, cu un bunita mucha muber blond!

Juist... loke a pasa ta, cu su señora tambe a mir'e.

RESUMEN

Un secretaria tabata resumi su problema amoroso di e siguiente manera:

Mi tin dos pretendiente. Mario ta elegante, bon tipo y rico. Boy ta dispuesto na casa cu mi. Cuá di dos?

DOS AMIGO

E promé biaha cu Benny a mir'e, el a cai na su pisan. El a nancé'e asina liber?

No, el a slip cu riba un caaca di bacoba.

Pedrito



e tipo



un poco



maldito



NO TA BASTA

Un homber bon bisti a worde bñsa warda di polis, como cu el a worde acusa di a horta un otro persona. E polis cu tabata di warda a panti'e:

Bo number?

Ben Wong.

Edad?

Binti nueve aña.

Na unda bo ta traha?

Mi ta empleado di oficina.

Cuanto bo ta gana?

Cienticincuenta florin pa luna.

Ben, esey ta basta pa mi.

Wel, p'ami no.

CONDICION

Doño di un pension: Un biaha me mi ta epierta bo, bo no ta cal di aki den si bo no paga mi. Cliente: Un millon di danki, señora. Por fin mi ta bai haya un boga permanente.

CANIBAL

E escena ta sucedé na Afrika. Meneer Canibal ta yega cas na ora di come.

Ta kico ta bole bon asina?

E cuminda di nos.

Ahan!..... Algun amigo?

SIGURIDAD

Mester tene cuidao promé cu bo sigurá un cos. Solamente e estúpodonan ta sigur di loke nan ta bise.

Berdad?

Mi ta sigur bo esey.

CAMBIO COMPLETO

Den un garage:

Bo tin "spare-parts" aki?

Si señora. Kiko bo ta desea?

Otro auto, otro chauffeur y otro casá.

DESEO

Kico bo ke bira dia bo bira grandi, mi yiu?

Mi ke bira general.

No mi yiu, e enemigo por mata bo.

Ahan! Anto, mi kier bira un enemigo.

E mehor ofertanan di siman

Anuncianan Clasificá

Ta bende un hunita set di sala, completamente renobá, pa solamente 550 florin. Interesadonan por yama telefoon 2020 of 2121 pa tur otro detalle.

Atencion amantenan di bestia! Na Wilhelminastraat 8 ta bendiendo actualmente algun maca en vamá "Titi", na prijs barata. Interesadonan por pasa personalmente y admirá nan na Wilhelminastraat 8 of yama telefoon 1219.

Pa motibo di viaha: ta ofrece un Ford Taunus model 1960, two tone (fire-red-crème) den perfecto condition. Procheba di e ganga aki acudiendo na Wilhelminastraat 31 of yama telefoon 1887.

Pa motibo di viaha: ta bende un jeep, heavy duty, den perfecto condition, na milar prijs. Interesadonan por probecha di e oferta aki acudiendo na oficina di "Observador" of yama telefoon 2020 — 2121.

Urgentemente ta buscando un cas pa huur den vecindario di Oranjestad. Dispuesto na paga Fls. 75 te Fls. 100.—. Pa mas informacion yama telefoon 2020 — 2121.

Ta bende 2 machien di cose marca "Singer" den perfecto condition y na prijs masba conveniente. Interesadonan por acudi na Sateria di Carmelo Croes den Wilhelminastraat 44.

Ta bende un set di baby, consistiendo di dos cama, un kashi y un maseu, segunda mano, na prijsnan razonable. Eonan interesa den compra por pasa na Klipstraat 5 pa tur informacion necesario.

ATENCION: Ora cu nos lectornan ta desea di bende, busca algo pa compra of huur, busca por chempel un loopjongen, sirvienta etc. anto acudi na nos oficina den Wilhelminastraat 31, of yama telefoon 2020 — 2121 durante oranan di oficina, y 3131 despues di cinco'or. Gustosamente nos lo yuda bo, poniendo bo aviso den e pagina aki.

Luisin



y



su



festin



Ta bende un set di kamber, segunda mano, den bon condition, pa fls. 650.—. Interesadonan por yama telefoon 2020 of 2121 pa demas informacion.

Pa motibo di a compra nobo, kier sali for di un refrigerador di 8 pia den bon condition. Funcionamento garantizá. Dispuesto di sacrifici na solamente f 70.—. Pa mas detalle yama telefoon 1359 of acudi na Klipstraat 7. Pa compra cash, tin mehor oferta ainda!

Oferta unico: Pickup Ford segunda mano den bon condition pa unicamente Fls. 425.—. Pa mas informacion acudi na Klipstraat 3 of yama telefoon 1359.

Mester hai: un Refrigerador General Electric 12' den bon condition pa solamente Fls. 225.—. Pa mas informacion acudi na Klipstraat 7, of yama telefoon 2020 of 2121.

Pa motibo di a cambia cas, ta ofrece dos aireconditioner 1 hp. y uno di 2 hp. den perfecto condition pa unicamente Fls. 250 y Fls. 350.— respectivamente. Procheba awor, yamando telefoon 3131 pa mas detallenan.

Gana placa: Bon oportunidad pa muchanan gana bopi placa. Posibilidad di gana Fls. 20.— pa dia y mas ainda bendiendo "Observador". Muchanan di school tambe por acudi. Interesadonan por pasa personalmente na oficina den Wilhelminastraat 31.

Oferta nunca visto: Un airecondition 1 hp. casi nobo mabo, den perfecto condition pa unicamente Fls. 250.—. Procheba di e oferta aki pasando na oficina di Observador. Bin convence bo mes.

MANSUR TRADING CO. INC.

ta participa tur su clientenan, favorecedores
y publico en general cu:

Entrante dia 1 di JULI proximo e pakinan bashi di e
cigarianan favorito

MARLBORO - PHILIP MORRIS

PARLIAMENT - ALPINE

lo tin un valor di cambio nobo di un placa (2½ cent)
pa cada paki bashi.

Huma MARLBORO... y sigi gana!

N.V. Electriciteit - Mij. Aruba

„ELMAR“

ORANJESTAD, ARUBA

E COMPANIA DI CORRIENTE NA ARUBA

ta ofrece facilidadnan atractivo pa
industrianan nobo y un staf tecnico
cu experiencia pa bo problemanan electrico.



Tel. 2170

KAN INC.

Joyeria desde 1918




"Día de Los Padres"

baci bo ser stimá feliz cu un regalo di

KAN



KAN a eaba di ricibi un enorme surtido di regalos bunita y di tur calidad pa tur e tatanan riba nan dia e.o. holoshi di man, fe- ueta di dashi, manecorn den oro y plata, set di pen, ball-point, set pa lessenaar, etc., etc. Hiha bo tata KAN, laga e mes scoge y asina bo ta sigur cu e lo keda completamente satisfeccho.



Pa tur gusto, busca na KAN.

WAT KAN KAN KAN KAN ALLEEN